

# CHIMÆRA GALLICANA

CONTINENS  
AXIOMATA POLITICA  
IMPERII GALLICANI.


*Deducta ex Tractatu*

DES JUSTES PRETENTIONS  
DU ROY  
SUR L'EMPIRE.

Par le Sr. AUBERY Advocat au Parlement,  
& aux Conseils du Roy: imprimé  
avec Privilege du Roy,

A PARIS,

Chez ANTOINE BERTIER, rue S. Jacques,  
à l'enfeigne de la Fortune, 1667.



*Monstrum horrendum, informe, ingens,  
cui lumen ademptum.*

REGIBUS, PRINCIPIBUS,  
ET POTESTATIBUS D. C.

*Extrait du Privilege du Roy.*

**P**AR Lettres, Patentes du Roy en forme de Privilege données à Paris le 19. Juillet 1649. Signées par le Roy en son Conseil, DEMONCEAUX, & Seellées du grand Sceau de cire jaune. Il est permis au Sieur AUBERY Advocat en Parlement, de faire Imprimer un Traitté des Droits de *Préeminence de nos Roys sur l'Empereur, &c.* en telles marges, en tels caracteres, & autant de fois que bon luy semblera, durant l'espace de sept ans entiers & accomplis, à compter du jour qu'il sera achevé, & est fait defenses à toutes personnes, &c.

Et ledit Sieur AUBERY a cédé son Privilege à ANTOINE BERTIER, suivant l'accord fait entr'eux.

*Achevé d'imprimer pour la premiere fois le 3. Decembre 1666.*

3

# AXIOMA EXORDII

## LIBRI PRIMI.

**A**D defendendum Principem & Patriam quilibet subditus ac civis, tanquam in causa publica, debet fieri miles, vel calamo simul & ense, vel minimùm alterutro. Pag. 1. & 2.

---

### JUSTARUM PRÆTENTIONUM REGIS SUPER IMPERIUM LIBER PRIMUS,

Capita continet tria, quorum Tituli sunt hi:

CAP. I. *Monarchia Francica sub Ludovico XIV. est eadem, quæ erat sub Clodoveo I. pag. 2.*

CAP. II. *Patrimonium & Acquisitiones Principum semper fuerunt Patrimonium & Acquisitiones Statuum. p. 18.*

CAP. III. *Patrimonium & Inra Coronæ non possunt alienari nec præscribi. p. 32.*

## A X I O M A T A

## CAPITIS PRIMI.

1. **M**onarchia Francica adeò longum jam duravit temporis spatium, & adeò specialem experta est Protectionem Divinam, ut utrumque meritò admirentur omnes Historici, non solùm Francici, verùm etiam exteri. pag. 2. & 3.

2. Urbs Parisina optimo jure rivalis est Antiquæ simul & Novæ Romæ; utpotè cujus gloriam non tantum æquavit, sed & superavit. pag. 3.

3. Urbs Parisina inde à Clodovæi I. temporibus fuit & etiam nunc est sedes Monarchiæ Francicæ, ideoque semper inter Hæredes ejusdem Monarchiæ de possessione istius Urbis ambitiosâ contentione certatum est. pag. 3. *Contrarium vide pag. 46. utpote ubi asseritur sedem Monarchiæ Francicæ fuisse Aquisgrani.*

4. Primum Monarchiæ Francicæ  
Jus

Jus super Hispaniam fundatum est victoriosis expeditionibus Regis Childeberti I. corroboratum fortitudine Caroli Magni, & denique consummatum nativitate & successione S. Ludovici. pag. 7. & 8.

5. Monarchia Francica duravit jam diutius, quàm Respublica Romana & Imperium Romanum conjunctim, & tanto temporis spatio non nisi bis mutationi stirpis regnatricis fuit obnoxia. pag. 10.

6. Tanta est Francorum erga Reges suos amor & reverentia, ut quoscunque potius vel maximè degeneres tolerant, quàm successionem legitimam interrompendo violent. pag. 11.

7. Clodovæus & Ludovicus unum atque idem est nomen, & quidem adeò augustum, ut meliori jure hoc deberet esse commune omnibus Regibus Franciæ, quàm nomen Cæsaris commune est Romanis Imperatoribus. pag. 13.

8. Ludovicum XIV. Posteritas fatebitur heroïcis actionibus suis foeliciter delevisse gloriam Caroli Magni, & longissimè superasse tam fortitudine, quàm sapientiâ omnes præcedentes Reges Franciæ. pag. 15.

9. Rex Franciæ Ludovicus XIV. existimationem hanc extraordinariam universaliter jam sibi acquisivit, ut omnes persuasissimum habeant, Imperium ipsius non terminandum esse nisi Cœlo & Oceano. pag. 15.

10. Ludovicus XIV. alter Clodovæus primus est, & secundus fundator Monarchiæ Francicæ; cui non solùm tituli debentur A DEO DATI, ACQUISITORIS, & AUGUSTI, verùm etiam MAXIMI, qui ultimus titulus nulli præcedentium Regum Franciæ unquam antea datus est. pag. 16. & 17.



## A X I O M A T A

## CAPITIS SECUNDI.

1. **R**Eges Franciæ arctiorem, efficaciorẽ & digniorem contrahunt cum Regni sui Statibus conjunctionem, quàm Episcopi cum suis Ecclesiis. pag. 19.

2. Princeps supremus atque absolutus non potest abdicare se Imperio suo, & dissolvere hâc ratione contractum inter se atque suos subditos; uti fecit olim Papa Cælestinus V. spontè, & Imper. Ludovicus Pius coactè. pag. 20. 21. 22. 23.

3. Sextus liber Decretalium in Franciâ damnatus & prohibitus est, cùm propter autorem ejus Papam Bonifacium VIII. cujus memoria Francis odiosa est, tùm propter doctrinam, quæ eo continetur, & moribus legibusque Franciæ adversatur. pag. 22.

4. Franci in obediendo Principibus;

bus suis cœcos se esse gloriantur.  
pag. 23.

5. Abdicatio Principum five voluntaria, five coacta, præjudiciosa est Monarchiæ. pag. 23.

6. Communis est opinio & existimatio, quam sibi Franci quolibet tempore acquisiverunt, Idololatrias eos esse suorum Regum, vel minimùm Adoratores. pag. 24.

7. Quæcumque ad Regem Franciæ, antequam regnare inciperet, pertinuerunt, ea omnia cùm regnare incipit, pleno jure uniuntur Coronæ, ita ut nulli dissolutioni aut separationi in perpetuum sint obnoxia. pag. 26.

8. Novæ Regum acquisitiones non solum Regis, sed & ipsius Regni sunt. pag. 27.

9. Quicunque à Regibus Franciæ subjugantur populi & regiones, iicæve, omiſſis prioribus nominibus, communi Francorum & Franciæ nomine sunt comprehendendi, eâque ratione Saxones à Carolo Magno  
Fran-



Francis olim uniti sunt. pag. 28. 29.  
30.

10. Monarchia Francica ad imitationem antiqui Imperii Romani unico tantum utitur simplici titulo, & magis affectat frui diviti prædâ suarum acquisitionum, quàm vanis ornari subjugatarum Nationum inscriptionibus. pag. 28.

11. Francica Natio totum Mundum jam implevit terrore sui nominis, adeò ut jam meruerit appellari Orbis Terrarum Domina. pag. 29.

12. Rex Franciæ, si velit, potest etiam uti titulo acquisitarum Regionum, uti Henricus III. semper usus est titulo Regis Poloniæ, & Henricus IV. titulo Regis Navarræ, pag. 30. 31.

13. Quemadmodum Sigillum Regis Franciæ non debet aliud continere Insigne, quàm tria Lilia, sic neque Rex Franciæ in solemnibus & magni momenti Actibus non debet aliâ uti inscriptione, quàm solâ Regis Franciæ. pag. 31.

## A X I O M A T A

## CAPITIS TERTII.

1. **P**atrimonium & Jura Coronæ non possunt per quemlibet Monarcham, licet absolutissimum, alienari, quoniam is meliorem quidem reddere potest suam & Successorum conditionem, non autem deteriore. pag. 32. 33.

2. Alienationes patrimonii Regii non valent nisi vivente Rege, qui alienavit. pag. 35.

3. Lege Salicâ Jura Coronæ Franciæ sunt inalienabilia. pag. 39.

4. Patrimonium & Jura Coronæ non magis præscribi possunt, quàm alienari. pag. 40. 41.

5. Regulæ Juris non congruunt semper axiomatibus Politicis. pag. 41.

4. Principi læso dissimulandus est dolor, donec opportuna ulciscendæ injuriæ se offerat occasio, pag. 41.

JUSTARUM  
PRÆTENTIONUM  
REGIS  
SUPER IMPERIUM  
LIBER SECUNDUS

Capita continet tria, quorum Tituli sunt hi :

CAP. I. *Maxima pars Germaniæ est Patrimonium & antiqua hereditas Regum Franciæ. pag. 43.*

CAP. II. *Carolus Magnus possedit Germaniam tanquam Rex Franciæ, non autem tanquam Imperator. pag. 53.*

CAP. III. *Imperium Germanicum nunquam habuit nomen conveniens, & in præsens non subsistit amplius. pag. 74.*

AXIOMATA

CAPITIS PRIMI.

- I. **F**Ranci & Germani respectu originis eorum ac primitivæ  
lin-

linguæ unus atque idem sunt Populus. pag. 45.

2. Reges Franciæ ex prima & secunda stirpe usi sunt Theotiscâ, sive Germanicâ linguâ. pag. 45. & 46.

3. Sub Regibus Franciæ ex prima & secunda Stirpe duplex lingua in Francia fuit in usu, nempe Theotisca sive Germanica, quâ Rex ipse unâ cum Aulicis suis & Proceribus Regni usus est, & Gallica sive corrupta illa Latina, quâ usus est vulgus, quæque tandem adeò prævaluit, ut nunc sola in usu sit. pag. 46.

4. Sedes Monarchiæ Francicæ sub Regibus ex prima & secunda stirpe fuit Aquisgranî. pag. 46.

*Contrarium vide pag. 3. utpote ubi asseritur Urbem Parisinam a Clodovæi I. temporibus fuisse & etiam nunc esse Sedem Monarchiæ Francicæ.*

5. Dominatio Monarchiæ Francicæ adeò dulcis & jucunda est, ut illi ipsi exteri populi, qui ab ea subjungantur

gantur , felices se ac fortunatos judicent. pag.47.

6. Colonia Agrippina & Cameracum sub Rege Clodovæo I. ad Monarchiam Francicam pertinuerunt, ideoque etiam nunc ad eandem pertinent. pag.47.& 48.

7. Gallia antiqua, quam Franci debellarunt, & Imperio suo subjecerunt, non fuit, ut vulgò creditur, Rheno , Oceano , Alpibus & Pyrenæis montibus tantum terminata, sed comprehendit maximam partem totius Europæ. Per Galliam enim Togatam intelligenda est Lombardia , per Comatam Francia propriè dicta & Burgundia , per Braccatam verò Germania. pag.48.

8. Sedes Metropolitanæ trium Electorum Ecclesiasticorum , nempe Treveri, Moguntia & Colonia Agrippina , unà cum suis Suffraganeis sine ulla controversia sitæ sunt intra limites antiquæ Galliæ à Francis subjugatæ, ideoque etiam nunc ad Monar-

narchiam Francicam pertinent. pagina 48.

9. Gallia antiqua à Francis subjugata paulatim perdidit primum suum nomen, & à victoribus suis accepit nomen Franciæ; ideoque dividitur nunc Francia in Occidentalem, quæ est antiqua Gallia, & in Orientalem, quæ in medietate Germaniæ sita, Francorum fuit antiqua sedes, & eam ob rem etiam nunc Franconia appellatur. pag. 49.

10. Quemadmodum omnes subditi unius ejusdem Principis debent haberi pro uno populo, eadem ratione quicquid Franci unquam acquisiverunt & possederunt, id omne debet generaliter comprehendi sub nomine Franciæ. pag. 49.

11. Solus titulus Regis Franciæ re-  
clamat in perpetuum usurpationi Imperatorum Germaniæ, & conservat Coronæ Franciæ qualemcumque possessionem antiqui Patrimonij sui, & suorum Jurium alienatorum. pag. 49.

12. Non



12. Non potest negari, Saxoniam, Thuringiam, Bavariam, & reliquas ferè omnes Provincias, quibus in præsens constat Imperium Germanicum, verum esse Patrimonium & antiquas acquisitiones Regum Franciæ, ideoque etiam nunc ad Monarchiam Francicam pertinere. pag. 49. 50. 51. 52.

13. Inter Conditiones, quas Clodovæus I. ejus nominis Franciæ Rex, Germanis à se victis imposuit, præcipua hæc fuit, ne unquam ampliùs crearent Reges suæ Nationis, sed tantùm Duces, qui Coronæ Francicæ essent subjecti. pag. 50. 51.

14. Germani Monarchiæ Francicæ rebellantes sibi ipsis potiùs faciunt injuriam & damnum, quàm Regibus Franciæ, quia Germanos nihil æquè reddit æstimandos & animosos, quàm commercium & conjunctio cum Francis. pag. 51. 52.

15. Tempore Imp. Justiniani & Theodeberti Regis Franciæ, subditi fue-

fuerunt Monarchiæ Francicæ Thuringi, Saxones, Treverenses, Colonienses, Moguntini, Wisigothi, & reliqui populi Germaniæ usque ad confinia Pannoniæ. pag. 52.

16. Argentoratenfis Episcopatus à Franciæ Rege Dagoberto fundatus est; ideoque etiam nunc ad Monarchiam Francicam pertinet, uti consequenter etiam reliqui omnes Archiepiscopatus & Episcopatus Germaniæ, qui à Regibus Franciæ fundati sunt. pag. 52.

## A X I O M A T A

### CAPITIS SECUNDI.

1. **C**Arolus Martellus, qui fuit Major Domûs Regni Franciæ, possedit pleno Dominio Austrasiam & Thuringiam, easque in Testamento assignavit filio suo natu majori Carolo Magno, cui defuncto, frater ipsius Pipinus in iisdem Re-

Regionibus jure hæreditario successit. pag. 54. 55.

2. Pipinus Rex Franciæ Saxones aliquoties rebellantes vicit, & reddidit Monarchiæ Franciæ tributarios. pag. 55. 56.

3. Ducatus Bavoriæ est unus ex antiquissimis Pariatibus Regni Franciæ, eamque ob causam Tassilo, Dux Bavoriæ, non potuit evitare, quin novo Franciæ Regi Pipino ejusque Hæredibus, tanquam verus Vasallus, solenne præstaret homagium cum juramento fidelitatis, quemadmodum etiam post ipsum fecerunt omnes Proceres Bavoriæ. pag. 57.

4. Tassilonis inconstantia & perfidia nihil derogavit juri, quod Monarchia Francica habuit & habet super Bavoriam. pag. 56. 57. 58.

5. Monarchiæ Francicæ Imperium in Germaniam & Germanos elucet ex Comitibus à Rege Francorum Pipino habitis Wormatiæ, quippe quæ

Urbs est Imperialis & sita in Palatinatu. pag. 58.

6. Monarchiæ Francicæ Imperium in Germaniam & Germanos elucet ex consensu Principum Franciæ requisito ad foundationem Archiepiscopatum Moguntini & Coloniensis pag. 58. & 59.

7. Carolus Magnus successionem hæreditariâ evasit eodem temporis momento Monarcha Germaniæ, quo Rex Franciæ. pag. 59.

8. Saxones à Carolo Magno debellati, perduto proprio suo nomine, coeperunt comprehendi communi nomine Francorum. pag. 60.

9. Antiqui Reges Franciæ sub titulo Patriciorum Romanorum fuerunt Monarchæ Urbis Romæ, ideoque Summi Pontifices Romani eorum mandatis æquè fuerunt subiecti, quàm reliqui Episcopi Regni Franciæ. pag. 61.

10. Regni Franciæ & Ecclesiæ Gallicanæ Metropoles viginti & una,

una, quæ in Testamento Caroli Magni nominatim recensentur, sunt hæc: Roma, Ravenna, Mediolanum, Forum-Julij, Gradus, Colonia Agrippina, Moguntia, Salzburgum, Treveri, Senonæ, Vefontio, Lugdunum, Rothomagus, Rhemi, Arelate, Vienna, Tarentasia, Ebrodunum, Burdigala, Turones & Avaricum Biturigum. pag. 61.

11. Regnum Franciæ comprehendit tempore Caroli Magni maximam partem Italiæ, totam Franciam hodiernis circumscriptam limitibus, omnes septendecim Provincias Belgij, & totam Germaniam. pag. 61.

12. Jugum Francicum sub Carolo Magno adeò fuit dulce & jucundum, ut Galli, Aquitani, Burgundiones, Hispani, Alamanni & Bavari summam gloriam & maximè insignem crediderint prærogativam vocari subditos Regis Franciæ.

13. Titulus Imperatoris & Augusti, quo Carolus Magnus à Papa Leo-



ne III. insignitus est, nihilo quidem potentio-rem eum reddidit; quam reverà jam esset, eamque ob causam ipse Carolus Magnus titulum istum tanquam vanum & inanem adedò sprexit, ut abstinuisset ingressu Ecclesiæ, si præscivisset Papæ Leonis propositum. pag. 62.

14. Bavaria à Carolo Magno facta est Provincia Regni Francicæ. p. 64.

15. Monarchiæ Francicæ Imperium in Germaniam & Germanos elucet ex Caroli Magni Comitibus Paderbornæ, Ratisbonæ, & Francofurti habitis. pag. 64.

16. Titulus Imperatoris, quo Carolus Magnus usus est, fuit titulus vanus sine ullo patrimonio. pag. 65.

17. Monarchia Francica tempore Ludovici Pij fuit extensa usque in Bulgariam. pag. 65.

18. Duces Austriæ tempore Ludovici Pij fuerunt vasalli Monarchiæ Francicæ. pag. 65.

19. Nomine Franciæ Orientalis, quæ



quæ pars est Monarchiæ Francicæ, intelligitur tota Germania. pag. 65.

20. Nulla debet esse differentia inter Regem Franciæ & Imperatorem Romanum. pag. 66.

21. Primum alicujus momenti præjudicium & damnum, quod Monarchia Francica ab Imperio Germanico passa est, fuit illicita & criminosa institutio Regni Arelatensis. pag. 66. 67.

22. Pontifices Romani debent injurias Regibus Franciæ illatas æquè ulcisci, ac si illatæ essent ipsi Sedi Apostolicæ. pag. 68.

23. Henricus Dux Saxoniae, cognomine Auceps, fuit vasallus Regni Franciæ, & tanquam rebellis invasit Regnum Austrasiæ. pag. 68. 69.

24. Otto I. Henrici Aucupis filius, obtinuit à Rege Franciæ Austrasiam tanquam Pariatum Regni Franciæ cum conditione præstandi homagium. pag. 69.

25. Imperium Regum Franciæ ex  
tertia

tertia stirpe erit sine fine, & sine ullis limitibus. pag. 71.

26. Monarchiæ Franciæ reunitæ futura duratio infinita apparet ex soliditate novorum Axiomatum, quibus ea nunc utitur. pag. 71.

27. Regum Franciæ ex tertia stirpe scopus & propositum præcipuum hæreditarium semper fuit, & etiam nunc est, oppugnare & destruere conatus & usurpationes Imperatorum Germanicorum. pag. 71. 72.

28. Reges Franciæ ex tertia sive hodierna stirpe semper habuerunt, & etiam nunc habent Populos & Principes Germaniæ pro suis vëris subditis & vasallis, quemadmodum vice versâ Populi & Principes Germaniæ temporibus adversis semper respexerunt Reges Franciæ, tanquam suos veros Dominos & Protectores. pag. 72.

29. Fredericus Archiepiscopus Colonienſis declaravit se Parisiis solenniter vasallum Coronæ Franciæ. A. 1378. p. 72.

30. Prin-

30. Principes Imperii Germanici nullum aliud contra Imperatorem Carolum V. habuerunt asylum & refugium, quàm Franciam & auxilium atque protectionem Regis Henrici II. qui præmij loco contentus fuit recuperatione Divoduri Mediomatricum, Tulli & Viroduni; quæ Urbes fuerunt antiquæ portiones Regni Franciæ. pag. 72.

31. Elector Treverensis in proximè superiori bello Germanico, videns se obnoxium furiis exercitûs Suecici, credidit nihil se posse facere melius, quàm submittere se protectioni Franciæ. pag. 73.

32. Justitia prætentionum Regis Franciæ super Germaniam & Imperium Germanicum elucet ex cessione Alsatiæ, aliarumque nonnullarum Regionum Imperij per Tractatum pacis Monasteriensis. pag. 73.

33. Rex Franciæ, dum Germaniam subjugat, nihil acquirit novi, sed tantum antiquum Patrimonium suum

24 *Axiomata Politica*  
suum ab aliis injustè usurpatum recuperat. pag. 74.

## A X I O M A T A

### CAPITIS TERTII.

1. **Q** Vicumque non est re ipsâ absolutus Urbis Romæ Dominus, is nec Imperator Romanorum est. pag. 74.

2. Carolus Magnus fuit absolutus Urbis Romæ Dominus beneficio potentissimi exercitus, cum quo intravit Italiam. pag. 74.

3. Carolus Magnus & omnes ejus succcessores, qui simul Reges Franciæ fuerunt & Imperatores Romani, supremum & absolutum habuerunt Imperium non solùm in Urbem Romanam, verùm etiam in ipsos Summos Pontifices Romanos. pag. 74. 75. 76.

4. Pontifices Romani appellarunt Imperatores Romanos, qui simul etiam Reges Franciæ fuerunt, Dominos suos. pag. 75.

5. Tem-

5. Temporibus Imperatorum Romanorum, qui simul etiam fuerunt Reges Franciæ, necessarius fuit ad confirmandam novi Pontificis electionem consensus Imperatoris. pag. 75. 76.

6. Imperatores Romani, qui simul etiam fuerunt Reges Franciæ, habuerunt Populum Romanum per iuramentum fidelitatis æquè sibi subiectum & obstrictum, atque alios suos subditos, ideoque summos Magistratus miserunt Romam, qui vice suâ absolutam jurisdictionem ibi exercerent. pag. 75. 76.

7. Liberatio Germanorum à jugo Francico, quæ contigit post mortem Ludovici IV. qui ultimus ex familia Caroli Magni fuit Imperator Romanus, nihil aliud fuit quàm violenta rebellio & injusta usurpatio alieni juris. pag. 77.

8. Primi & præcipui Principes Germaniæ, qui post mortem Ludovici filii Arnulphi Monarchiæ Fran-

ciæ jugum excusserunt, foëre Henricus Dux Saxoniz & Thuringiz, cognomine Auceps, Arnoldus Dux Bavariz, Burchardus Dux Sueviz, Everardus Dux Franconiz, & Gilbertus Dux Lotharingiz. pag. 77.

9. Ridiculum dictum est Imperium Romanum non superesse in Germania. pag. 77.

10. Regnum Germaniz qualitate & naturâ suâ omninò diversum est ab Imperio successorum Caroli Magni. pag. 78.

11. Imperium Germanicum respectu Monarchiz Franciz est tyrannis & nova atque injusta dominatio. pag. 78.

12. Pontifices Romani augendæ propriæ potentiz causâ maluerunt Regibus Germaniz tribuere imaginarium & vanum titulum dignitatis Imperatoriz, quàm Regibus Italiz; quippe quorum potentia propter nimiam vicinitatem ijs suspecta fuit tanquam periculosa. pag. 78. 79.

13. Otto,



13. Otto, Henrici Aucupis filius, est secundum communem opinionem primus Imperator Germaniæ. p. 79.

14. Papa Gregorius V. amore Nationis Germanicæ, utpote & ipse Germanus, primus dedit Principibus Germaniæ Privilegium, ut illi soli possent Imperatorem eligere. p. 79

15. Privilegium eligendi Imperatorem, Principibus Germaniæ à Papa Gregorio V. concessum, licet favorabile videatur, reverà tamen ignominiosum est & noxium Imperatoribus Germaniæ, quia per illud declarantur Feudatarij & Vassalli Sedis Apostolicæ. pag. 80.

16. Pontifices Romani nec agnoverunt unquam, nec agnoscunt Imperatores Germanicos pro Dominis Urbis Romæ, & consequenter nec pro veris Imperatoribus. pag. 80.

17. Delectores Imperij, cum sint tantum Germani, non possunt dare Monarcham, nisi soli Nationi Germanicæ. pag. 80. 81.

18. Privilegium eligendi Imperatorem , à Papa Gregorio V. solis Principibus Germaniæ concessum , occasionem Pontificibus Romanis præbuit arrogandi sibi decisionem omnium causarum ad Imperium pertinentium , ut & administrationem Imperij tempore interregni, atque abdicationem Imperatorum. p. 81. 82.

19. Imperatores Germanici subiecti sunt jugo Papali. pag. 84.

20. Extrema differentia , quæ est inter Carolum Magnum & novos Imperatores Germanicos, apparet imprimis ex modo coronationis. Carolum enim Magnum , cùm coronaretur, adoravit ipse Papa Leo III. at vice versâ Imperatores Germanici osculantur pedes Pontificum. pag. 85.

21. Pontifices Romani arrogarunt sibi honorem adorationis pedum , postquam Imperatoribus Romanis ethnicis in absoluto Urbis Romæ dominio succefferunt. pag. 85. 86.

22. Regibus Franciæ debetur ho-

nor

nor adorationis & osculationis pedum. pag. 85. 86.

23. Coronationem Caroli V. per Pontificem Clementem VII. nec secuta est, nec deinceps unquam sequetur alia coronatio Imperatoris per Pontificem, idque præsignificatum fuit fortuitâ rupturâ istius ambula-cri, per quod Carolus V. tempore coronationis ex Palatio Episcopali Bononiensi in Ecclesiam Cathedralem transiit. pag. 87. 88.

24. Cum Carolo V. desit Imperium Germanicum, utpote qui ultimus à Pontifice Romano coronatus est. pag. 88.

25. Electus Imperator non est verus Imperator ante coronationem per Romanum Pontificem. pag. 88.

26. Quotquot post Carolum V. usque ad hunc diem electi Imperatores Germanici, eorum omnium electio nulla est & illegitima, quia Electores Hæretici, quales sunt Dux Saxoniz, Marchio Brandenburgensis,

& Comes Palatinus Rheni, non sunt amplius veri & legitimi Electores. pag. 90. & 91.

27. Duces Saxoniae & Duces Bavariae sunt Feudatarii & Vassalli Coronae Francicae. pag. 91.

# J U S T A R U M P R A E T E N T I O N U M R E G I S

## S U P E R I M P E R I U M

### L I B E R T E R T I U S .

Capita continet tria, quorum Tituli sunt hi :

CAP. I. *Nomen Regis est excellentius & augustius nomine Imperatoris. p. 92.*

CAP. II. *Monarchia Francica successit Monarchiae Romanae. pag. 107.*

CAP. III. *Imperatores Germaniae sunt minus antiqui, minus absoluti, & minus potentes, quam Reges Franciae. pag. 139.*

## A X I O M A T A

## CAPITIS PRIMI.

1. **D**ignitas seu potius Qualitas Imperialis, quam Papa Leo III. Carolo Magno tribuit, fuit prorsus imaginaria, nec potuisset subsistere sine Corona Regni Franciæ. pag. 98.

2. Cum in toto terrarum orbe nulla sit Monarchia magis absoluta & ab aliena potestate minus dependens, quàm Francica, meritò Regibus Franciæ licitum est, per se ipsos & sine Summi Pontificis vel alterius personæ adminiculo assumere pro lubitu qualitatem & titulum Imperatoris. pag. 98. 99.

3. Cujusque gubernationis dignitas non consistit in titulo, sed in statu absolutæ dominationis. pag. 99.

4. Reges Franciæ, prout iis lubuit, nonnunquam quidem usi sunt titulo Imperatoris, noluerunt tamen eo

constanter uti, quia veterem suum titulum Regium majori veneratione dignum censuerunt, quàm Imperatorium. pag. 99.

5. Imperatores Germaniæ Otto Primus, Secundus & Tertius hoc ipso, quia fuerunt Duces Saxonix, fuerunt simul etiam per consequentiam Vassalli Monarchiæ Francicæ. pag. 100.

6. Rex Franciæ Carolus VIII. fecit se per Papam Alexandrum VI. Romæ solenniter proclamari Imperatorem Constantinopolitanum, & Romæ exercuit actus maximè essentielles absoluti & supremi dominij. pag. 101.

7. Rex Franciæ Franciscus I. per Papam Leonem X. Bononiæ fuit proclamatus Imperator Orientis: quam dignitatem affectavit æmulatione Imperatorum Germaniæ, quippe qui multò recentiores sunt, quàm Imperatores Orientis. pag. 101.

8. Rex Franciæ Franciscus I. Carolum



roſum V. licet jam electum Imperatorem nunquam in litteris ad Legatos ſuos aliter appellavit, quàm Regem Caſtiliæ. pag. 101.

9. Corona Regia aperta & radiata antiquior & dignior eſt Coronâ Imperiali, clauſâ, quæ inſtar mitræ eſt, pag. 101. 102.

10. Reges Franciæ in confeſſatione ſua utuntur etiam nunc utraq; Coronâ, nempe Regiâ apertâ & Imperiali clauſâ ad ſignificandam perpetuam conjunctionem Imperij Occidentis & Monarchiæ Francicæ. pag. 102. 103.

11. Corona Imperialis clauſa inſtar mitræ eſt reſpectu originis ſuæ indicium cujuſdam ſubjectionis & debiti erga Sedem Apoſtolicam. pag. 103.

12. Pontifex Urbanus V. primuſ uſus eſt Coronâ triplici æmulatione Imperatorum Germaniæ, qui abſurdè gloriabantur de tribus Coronis, nempe de Coronâ argenteâ Regni Ger-

Germaniæ, quæ capiebatur Aquisgrani, de Corona ferrea Regni Italiæ, quæ capiebatur Mediolani, & de Coronâ aureâ Imperij Romani, quæ capiebatur Romæ. pag. 105. & 81.

13. Ex jure abdicationis, quod Pontifices Romani super Imperatores Germanicos sibi arrogarunt, orta est frivola illa & ambitiosa & in Francia prorsus damnata nonnullorum Pontificum Romanorum prætentio super dominiûm temporale aliorum etiam Principum, qui non sunt Vassalli & Feudatarij S. Sedis Apostolicæ. pag. 105.

14. Jam memorata nonnullorum Pontificum Romanorum detestabilis prætentio adversatur doctrinæ Evangelij & Sanctorum Patrum. pag. 105. 106.

15. Duo sunt in terra Vicarij sive Locum tenentes generales Divinæ Majestatis, nempe Papa, qui est imitator Clementiæ Divinæ, ideoque non debet uti gladio, & Rex Franciæ,

ciæ, qui est imitator supremæ justitiæ  
Divinæ, ideoque debet esse arma-  
tus gladio. pag. 106. 107.

## A X I O M A T A

### CAPITIS SECUNDI.

1. **F**Ranci præ aliis omnibus Na-  
tionibus naturâ liberi sunt, &  
impatientes jugi atque alienæ domi-  
nationis. pag. 107.

2. Monarchia Francica est om-  
nium purissima maximeque Regia.  
pag. 10.

3. Ex qualitate Legati judicatur  
ordinariè de dignitate & magnitudi-  
ne Principis, ad quem is mittitur.  
pag. 108. 109.

4. Natio illa trans-Alpina, cui Ta-  
citus refert per antiquum quoddam  
oraculum, vel minimum per anti-  
quam quandam traditionem, certò  
promissam fuisse Dominationem sive  
Imperium absolutum totius Terra-  
rum Orbis, ea est Natio Francica.

5. Suc-

5. Successio masculina, quæ sola, foeminis prorsus exclusis, in Monarchia Francica in usu est, præsignificata fuit à Christo, ipso dicente: *Lilia non nent.*

6. Versus Virgiliani:

*Dic quibus in terris inscripti nomina Regum  
Nascantur flores, & Phillida solum habeto.*

tanquam oraculum aliquod de Monarchia Francica, ejusque futura magnitudine intelligendi sunt.

7. Titulus Christianissimi solis debetur Regibus Franciæ, tanquam veris Successoribus Imperatoris Constantini Magni. pag. 115. 116. 117.

8. Novus Papa est obligatus statim post consecrationem ad Reges Franciæ. pag. 118.

9. Cùm Urbes & Provinciæ, à Pipino & Carolo Magno Ecclesiæ Romanæ donatæ, pertinuerint ad Patrimonium Coronæ Francicæ, nec donatio illa aliter ab iis fuerit facta, quàm quatenus fuerunt Reges Franciæ, minimè dubium est, quin omnis  
istius



istius donationis gloria, & omne ejus commodum etiam nunc attribui debeat hodiernis Regibus Franciæ, tanquam eorum successoribus non autem aliis ullis Principibus. pag. 119.

10. Cùm Reges Franciæ per donationes, à Pipino & Carolo Magno Ecclesiæ Romanæ factas, evaserint non solum benefactores, verùm etiam Patroni & Fundatores temporalis Patrimonii Ecclesiæ, jure ac meritò S. Sedes Apostolica debitæ gratitudinis causâ iis concessit titulum Augustorum & Imperatorum, eodemque titulo privari non possunt, cùm is donatarum Urbium & Provinciarum loco sit.

11. Uti Pontifices Romani erga Reges Franciæ, tanquam Patronos suos & Fundatores Patrimonii sui temporalis, necessariò debent esse grati, sic vice versâ, si iidem sint ingrati jure possunt privari Urbibus & Provinciis, quæ ipsis donatæ sunt. pag. 120.

12. Reges Franciæ reverâ sunt Advocati & Defensores Ecclesiæ Romanæ; falsò autem & injustè illum titulum usurpârunt & usurpant Imperatores Germaniæ. pag. 120. 121. 122. 123. 124. 125.

13. Deus elegit Reges Franciæ tanquam præcipuum propugnaculum defendendæ Reipublicæ Christianæ. pag. 127.

14. Summo jure Franci conquerebantur de ingratitude & effrænâtâ ambitione Papæ Bonifacii VIII. qui antiquam possessionem Imperii Romani, à Germanis injustè usurpatam, non solùm Francis non restituit, uti Regi Philippo Pulchro promiserat, verùm etiam eundem Regem variis frivolis & injuriosis prætentionibus irritavit. pag. 128.

15. Ipse Ludovicus, Nonus ejus nominis Franciæ Rex, licet Sanctus, opposuit se machinationibus Curiae Romanæ contra libertatem Ecclesiæ Gallicanæ. pag. 128.

16. Com-

16. Communis est opinio Pontifices Romanos nec Urbem Romam, nec quidquam aliud in Italia possidere, nisi libertate & permisso Regum Franciæ. pag. 129.

17. Ecclesia Romana exemplo Christi & Sanctorum Apostolorum debet esse pauper non autem dives. pag. 129.

18. Jurisconsulti Francici pro certa habent regula, Ecclesiam Romanam per se nec habere, nec posse habere ullum territorium. pag. 129.

19. Pontifices Romani non possident Urbem Romam donatione Imperatoris Constantini Magni, sed partim negligentia Imperatorum absentium, partim nimia Principum recens converforum reverentia erga Summos Pontifices. pag. 130.

20. S. Gregorius Magnus & alii nonnulli Pontifices Romani, coluerunt Imperatores Constantinopolitanos, tanquam supremos Urbis Romæ Dominos, & consequenter asserue-



ruerunt se esse eorum subditos & vassallos. pag. 130.

21. Patriciatus Imperii Romani Occidentalis successit in locum ipsius Majestatis Imperatoriae. pag. 131.

22. Reges Franciæ acceperunt ab Imp. Anastasio Dicoro, & etiam nunc obtinent Patriciatum Imperii Romani Occidentalis jure hæreditario, & consequenter etiam supremum & absolutum Urbis Romæ, & totius Italiæ dominium. pag. 131. 132. 133.

23. Virtute & industriâ Caroli Magni incorporatum est Imperium Romanum Imperio Francico, ita ut ex duobus factum sit unum. pag. 133.

24. Carolus Magnus, quatenus Rex Franciæ, fuit non solum Rex totius Europæ, verum etiam Rex Universalis & Monarcha totius Orbis terrarum. pag. 134.

25. Carolus Magnus potentiam, dignitatem & gloriam suam non debuit Papæ, sed propriæ suæ virtuti. pag. 134.

26. Im-

26. Imperatores Germaniæ nunquam ausi sunt sibi arrogare aliquam authoritatem Romæ tanquam Patricii Romani propter jus hæreditarium, quo Patriciatus ille pertinet ad Reges Franciæ. pag. 135.

27. Inter Reges Franciæ & Imperatores Constantinopolitanos magna est conformitas respectu unctionis & habitus. pag. 136. 137.

28. Regnum Franciæ celebrius est Imperio Romano.

29. Insignis Fortitudo & magnæ Victoriæ, quibus Romani veteres præcipuam sibi acquisiverunt æstimationem ac gloriam, non solum non superant, sed nec æquant fortitudinem & victorias Francorum, si Gallorum & Germanorum expeditiones expeditionibus Francicis annumerentur.

## A X I O M A T A

## CAPITIS TERTII.

1. **A**bsurdum est comparare antiquos Imperatores Romanos cum novis Imperatoribus Germaniæ. pag. 139.
2. Nemo nisi prorsus expers rationis negare potest Imperatores Germanos omnibus modis inferiores esse Regibus Franciæ, nec posse cum ijs contendere vel de antiquitate, vel de absoluta & independente dominatione, vel de potentia. pag. 139.
3. Antiquitas Monarchiæ Franciæ elucet ex titulo primitivi Filij Ecclesiæ, qui debetur ejus Regibus etiam nunc jure hæreditario. pag. 140. 141.
4. Titulus Primitivi Filij Ecclesiæ dat Regibus Franciæ jus Proëdriæ si-  
ve Præsidentiæ super alios omnes Principes. pag. 142.
5. Reges Franciæ tanquam Primitivi Filij Ecclesiæ, non autem Im-  
pera-

peratores Germanici debent præsidere in Concilijs. pag. 142. 143.

6. Monarchæ Francici semper & legitimè habuerunt, & etiam nunc habent jus præeminentiæ super omnia Capita coronata. pag. 143.

7. Inter omnes Nationes illa debet præcedere, quæ prima accepit lumen Evangelij. pag. 143.

8. Omnes ferè Populi debent Francis conversionem suam ad Religionem Christianam, sed præcipuè Germani, Hispani, Angli & Poloni. pag. 143. 144.

9. Titulus Regis Catholici debetur secundùm S. Gregorium Magnum peculiari quadam prærogativâ Regibus Franciæ. pag. 146.

10. Imperatores Germaniæ sunt inferiores Regibus Franciæ, quia illorum Majestas dependet à benevolentia & electione aliena. pag. 147.

11. Principatus qui defertur per successionem hæreditariam. pag. 147.

12. Princeps electus similis est astro lucenti lumine alieno. pag. 148.

13. Frater Regis Franciæ, & consequenter quicumque Princeps Regij sanguinis, propter spem hæreditariæ successionis dignior & excellentior est electo Imperatore Germaniæ. pag. 148.

14. Lotharingia jure hæreditario pertinet ad Monarchiam Franciæ. pag. 150.

15. Rex Franciæ magis absolute imperat, quàm nullus alius Rex. pag. 150.

16. Rex Franciæ Ludovicus XIV. meritò cognominatur A DEO - DATUS, quia à Deo electus est ad restaurandam antiquam Monarchiam Francicam. pag. 151.

17. Imperatores Germanici subiecti sunt Capitulationi Electionis suæ ideoque nihil habent veri imperij, sed tantum nomen. pag. 151.

18. Imperatoribus Germanicis non est licitum imponere contributiones



tiones maximè necessarias, indicare bella maximè iusta, & concludere tractatus maximè utiles. pag. 151.

19. Imperatorum Germaniæ authoritas adeò exigui momenti est, ut ipsi Germani eam vix agnoscant amplius, sed Imperatoribus suis aut imperent, aut minimùm eos tractent tanquam æquales. pag. 151. 152.

20. Electores & reliqui Principes Imperii Germanici tantam habent in ditionibus suis authoritatem, quantum Imperator in Imperio, unde sequitur Imperatoriam dignitatem nihil esse præter umbram & speciem. pag. 152. 153.

21. Quod Imperator Germaniæ Maximilianus I. se appellavit Regem Regum respectu effrœnatae potentiae Electorum & cæterorum Principum Germaniæ, idem est ac si se appellasset Dominum sine subditis. pagina 153.

22. Rex Franciæ reverà est Rex Regum totius Orbis terrarum. p. 153.

23. Re-



23. Reges Angliæ exhibuerunt olim Regibus Franciæ honorem tanquam suis Dominis. pag. 155.

24. Reges Angliæ tanquam Duces Guyenne & Normandiæ fuerunt olim Vasalli Monarchiæ Francicæ. p. 154.

25. Antiqui Reges Burgundiæ inde à Clodovæi I. temporibus fuerunt Vasalli Monarchiæ Francicæ. pag. 154.

26. Monarchiæ Francicæ Vasalli sunt potentissimi quique totius Europæ Monarchæ, ne Imperatore quidem Germanico excepto, ut potè cum Imperator Carolus V. Vasallus fuerit regni Franciæ respectu Comitatum Flandriæ & Arthesiæ. pag. 154.

27. Philippus Pater Imp. Caroli V. homagium præstitit Regi Franciæ tanquam Comes Flandriæ. pag. 156.

28. S. Ludovicus Rex Franciæ noluit accipere à Papa investituram Regni Neapolitani, ne esset ullius Feudatarius. pag. 156.

29. Rex

29. Rex Franciæ est Dominus omnium Dominantium. pag. 156.

30. Imperatores Germaniæ, quatenus Imperatores, ne unicum quidem digitum terræ in Germania possident, sed sunt Domini sine subditis. pag. 157.

31. Titulus Imperatoris vanus & imaginarius affert Imperatoribus Germaniæ nihil nisi damnum & incommodum. pag. 157.

32. Injuria fit Regibus Franciæ, si eorum potentia comparetur cum potentia Imperatorum Germaniæ. pag. 158.

33. Monarchiæ Franciæ possessio est summum Bonum post Divinitatem. pag. 158.

34. Si ulla adhuc superfuisset dubitatio de Præeminentia Regis Franciæ super Imperatorem, etiam plenè sublata esset per Mariam Tereſiam; Regis Hispaniæ filiam natu majorem, utpote quæ potestatem habens eligendi mariti, Regem Franciæ Ludovicum

vicum XIV. Imperatori Germaniæ  
LEOPOLDO I. summâ prudentiâ  
prætulit. pag. 158. 189.

35. Delphino Franciæ, ex matri-  
monio Regis Ludovici XIV. & Re-  
ginæ Mariæ Terefiæ nato, promit-  
tunt omnes rerum circumstantiæ in-  
fallibiliter futurum Imperium totius  
maris & totius terræ, & consequenter  
Monarchiam Universalem.

F I N I S.

